



Na osnovu člana 12 Statuta Islamske zajednice Bošnjaka u Göteborgu (IZBG), Skupština IZBG na sjednici održanoj dana 13 februara 2010 donosi:

POSLOVNIK O RADU SKUPŠTINE
ISLAMSKJE ZAJEDNICE BOŠNJAKA U GÖTEBORG-U
(IBZG)

1. UVODNE ODREDBE

čl.1

Poslovníkom o radu Skupštine IZBG (u daljnjem tekstu Poslovník) utvrđuje se naćin rada Skupštine i to:

- sazivanje Skupštine
- održavanje Skupštine
- prava, dužnosti i odgovornosti ćlanova skupštine
- prava, dužnosti i odgovornosti predsjednika IZBG, a kao predsjedavajućeg Skupštine
- prava, dužnosti i odgovornosti predsjedavajućeg na Izornoj Skupštini
- metod i sadržaj rada na sjednici Skupštine
- Stručno-organizacijski i administrativno-tehnićki poslovi vezani za rad Skupštine

Odredbe ovog Poslovníka obavezuju ćlanove Skupštine, kao i stručna lica koja obavljaju poslove vezane za rad Skupštine.

čl.2

Odredbe ovog Pravilnika moraju biti u skladu s odredbama Statuta IZBG.

II. SAZIVANJE SKUPŠTINE

čl.3

Predsjednik IZBG donosi odluku o sazivanju Skupštine, a IO IZBG predlaže dnevni red u skladu sa odredbama Statuta IZBG.

Redovna Skupština se saziva jedanput godišnje.

Izborna Skupština se saziva svake dvije godine.

Vanredna Skupština se saziva u skladu sa odredbama Statuta.

III. ODRZAVANJE SKUPŠTINE

čl.4

Sjednice Skupštine održavaju se u prostorijama IZBG ili na mjestu gdje predsjednik i imam odrede.

čl. 5

Rad Skupštine je javan.

Javnost rada može se isključiti potpuno ili djelimićno, samo kada o tome Skupština odlući i u slućaju kada se raspravlja o podatcima koji predstavljaju poslovnu tajnu.

čl. 6

Na početku zasjedanja Skupštine predsjednik imenuje dva ćlana verifikacione komisije te zapisničara i dva ovjerivaća zapisnika.

Verifikaciona komisija utvrđuje broj prisutnih ćlanova radi skupštinskog kvoruma.

ISLAMISKA BOSNIAKISKA FÖRSAMLINGEN I GÖTEBORG

Gamla Tuvevägen 20, 417 05 Göteborg Telefon 031-22 66 79

Webb: www.izbg.se ; E-post: goteborg@izb.se

Org. Nr: 855100-1806 ; Plus giro: 4914895-0



IV. PRAVA, DUŽNOSTI I ODGOVORNOSTI ČLANOVA SKUPŠTINE

čl. 7

Članovi imaju pravo:

- sudjelovati u radu Skupštine i odlučivati,
- biti pravovremeno obavješteni o sazivanju i održavanju Skupštine
- tražiti informaciju o pitanjima bitnim za odlučivanje na Skupštini
- birati i biti biran u organe i tjela IZBG
- predlagati predmete za raspravu na Skupštini

Članovi imaju dužnosti i odgovornosti na Skupštini:

- doprinositi konstruktivnom i funkcionalnom radu Skupštine
- ne ometati rad Skupštine svojim djelovanjem

V. PRAVA, DUŽNOSTI I ODGOVORNOSTI PREDSEDVAJUĆEG SKUPŠTINE

čl. 8

Skupštinom predsjedava predsjednik IZBG, a u slučaju njegove spriječenosti, njegov zamjenik, a u slučaju i njegove spriječenosti, najstariji član prisutan na Skupštini.

Skupštinom može predsjedavati i lice van IZBG, a da je član IZBUŠ, ukoliko IO IZBG donese takvu odluku.

Prava i dužnosti predsjedavajućeg Skupštine:

- otvara i predsjedava sjednicom Skupštine
- osigurava red i nesmetan rad Skupštine po usvojenom dnevnom redu
- brine o poštivanju zakonitosti u radu Skupštine
- usmjerava tok diskusije sa ciljem donošenja kvalitetnih i pravosnažnih odluka.
- formulira odluke i objavljuje rezultate glasanja na osnovu izvještaja verifikacione komisije
- brine da se tok sjednice Skupštine i usvojene odluke, zaključci i ostalo zapisnički konstatuje te nakon sjednice, pismeno izrade
- potpisuje zapisnik Skupštine

VI. PRAVA, DUŽNOSTI I ODGOVORNOSTI PREDSEDVAJUĆEG IZBORNE SKUPŠTINE

čl. 9

Skupštinom predsjedava lice izabrano neposredno na Skupštini na prijedlog izborne komisije ili člana Skupštine.

Prava i dužnosti predsjedavajućeg izborne Skupštine su identično prenesena iz čl. 8 ovog Poslovnika.



VII. METOD I SADRŽAJ RADA SKUPŠTINE

čl. 10

Predsjedavajući Skupštine otvara sjednicu, predlaže dnevni red, nakon usvajanja dnevnog reda, prelazi na rad po tačkama kako su usvojene.

Članovi prisutni na Skupštini mogu raspravljati odnosno iznositi svoje stavove i mišljenje nakon što dobiju riječ od predsjedavajućeg Skupštine i to samo po pitanjima koja su na dnevnom redu.

Nakon diskusija i usklađenih stavova po tačkama dnevnog reda, obavlja se glasanje dizanjem ruke (aklamacijom) za svaku tačku dnevnog reda.

Glasanje može biti tajno, ako Skupština o tome donese odluku.

Rezultate glasanja utvrđuje verifikaciona komisija koja svoj izvještaj dostavlja predsjedavajućem Skupštine.

Rezultate glasanja proglašava predsjedavajući Skupštine, a zapisničar registruje u zapisnik Skupštine.

Sjednicu Skupštine IZBG zaključuje predsjedavajući Skupštine kada utvrdi da je završena diskusija po svim pitanjima iz dnevnog reda.

VIII. STRUČNI, ORGANIZACIONI I ADMINISTRATIVNI POSLOVI VEZANI ZA RAD SKUPŠTINE

čl. 11

O radu Skupštine vodi se zapisnik.

U zapisnik se unosi:

- redni broj sjednice – redovne ili vanredne
- datum i mjesto održavanja sjednice
- broj prisutnih članova
- ime i prezime zapisničara
- vrijeme početka i završetka sjednice
- dnevni red
- donesene odluke i zaključci po svakoj tački dnevnog reda
- imena i prezimena onih koji su učestvovali u diskusijama

Zapisnik potpisuju zapisničar i predsjedavajući Skupštine, kao ovjerivači zapisnika.

Izvide iz zapisnika može učiniti samo sekretar IO IZBG uz ovjeru predsjedavajućeg Skupštine i zapisničara.

Sjednice skupštine mogu se i tonski snimati.

čl. 12

U zapisnik se unosi bitan sadržaj diskusija pojedinih učesnika, ako iz njih proizilazi određeni prijedlog odluke ili zaključka.

Zapisnik se izrađuje u roku od 15 (petnaest) dana od održane sjednice i dostavlja se svim tjelima IZBG.

Zapisnik i donešene odluke trajno se čuvaju u arhivi IBZG.

čl. 13

Donešeni zaključci, odluke i drugi akti, stupaju na snagu i primjenjuju se danom donošenja.

ISLAMISKA BOSNIAKISKA FÖRSAMLINGEN I GÖTEBORG

Gamla Tuvevägen 20, 417 05 Göteborg Telefon 031-22 66 79

Webb: www.izbg.se ; E-post: goteborg@izb.se

Org. Nr: 855100-1806 ; Plus giro: 4914895-0



VIII. ZAVRŠNE ODREDBE

čl. 14

Pitanja koja nisu uređena ovim Poslovníkom, Skupština može urediti svojom posebnom odlukom.

čl. 15

Autentično tumačenje ovog Poslovníka daje Skupština IZBG.

čl. 16

Ovaj Poslovník stupa na snagu danom donošenja.

Göteborg, 13.februar 2010 god.

Predsjednik IO-a Ismet Bukvica